

# Che M'è 'mparato A Fa'

Mina

Tu, che mm' e' 'mparato a fa'  
Che "Kiss me" vène a di'  
"Io te vurria vasà"  
Io, purtánnote cu me  
Che t'aggio ditto a fa'  
"Só' 'nnammurato 'e te"

Pecché, vasánnome accussí  
Tu mm' e' 'mparato a di'  
Sti ccose scanusciute  
Capre, Surriento  
E 'sta luna  
Se ne só' ghiute cu te

Tu, sapenno 'e nun turna'  
Che mm' e' 'mparato a fa'  
Sti ffrase furastere  
Ammore  
Ched è 'a felicità  
Che mm' e' 'mparato a fa'

'E stelle da marina  
Chella sera  
Pareva ce vulessero 'ncanta'  
Però, ogne stella  
Ca scenneva a mare  
Screveva 'ncielo: "Addio felicità"

Tu, che mm' e' 'mparato a fa'  
Che "Kiss me" vène a di'  
"Io te vurria vasà"  
Io, purtánnote cu me  
Che t'aggio ditto a fa'  
"Só' 'nnammurato 'e te"

Pecché, strignennome accussí  
Tu mm' e' 'mparato a di'  
Sti ccose scanusciute  
Capre, Surriento  
E 'sta luna  
Se ne só' ghiute cu te

Tu, sapenno 'e nun turná  
Che mm' e' 'mparato a fa'  
Sti ffrase furastere  
Ammore  
Ched è 'a felicità  
Che mm' e' 'mparato a fá

Ammore  
Ched è 'a felicità  
Che mm' e' 'mparato a fá